

Kjære alle saman!

Det er gledeleg for oss i styret igjen å kunna ønska velkommen til møte på Misjonshuset!

DET FØRSTE MØTET BLIR ONSDAG 13.5. kl 19.00. Det blir ei enkel samling med fokus på bibellesing og ein kort andakt ved Bjørn Steinar Hauge.

Når me nå opnar for samlingar igjen, må dette skje gradvis og kontrollert, slik at me bidrar til å hindra smittespreiing. Dette er me pålagt frå både styresmaktene og leiinga i Region Sørvest.

På bakgrunn av dette har styret bestemt at me ikkje har møte søndag formiddag den første tida. I staden vil me ha møte onsdag 13.5. og 20.5. kl 19.00. Møteplanen vidare vil me informera om når ting er meir avklarte.

Det er viktig for styret å minna om at det er eit stort ansvar i desse tidene å arrangera samlingar med mange til stades. Me vil difor legga vekt på å følga reglar og råd som gjeld smittevern.

Her vil me spesielt trekka fram nokre kjernekriterium:

- Sjuke personar skal ikkje delta på møte
- Me må vera nøyne med god handhygiene og hostehygiene
- Me skal halda god avstand til kvarandre (minst 1 meter). Dette gjeld også i møtesalen
- Me skal minst mogleg ta på dei same tinga (Difor blir det ikkje servering eller kaffi på møta).
- Alle som kjem på møte vil bli registrert med namn og telefonnummer.
- Me har ikkje lov å samlast fleire enn 50 personar.

Me ser fram til onsdag med glede og forventning.

Hjarteleg velkommen!

Varme helsingar frå styret

Ved Rolf Hauge, styreleiar